



Minggu, 14 Maret 2021

Ogen: Kolose 3:12-15



Ngalemi



Adi umpamana lit sekalak jelma la ridi-ridi piga-piga wari, ipakena uis mbaru gia la ia ridi, akapndu uga nge adi bage? Jadi adi la kita ridi amin gia mbaru bajunta, uis si mbaru e ndai minter nge melket ras daging si mbau ndai minter nge lanai tertamburi.

bageme jadina adina pertobatenta la iraduken ras mpelimbarui pusuh perukurenta. Emaka arah kitab Jeheskiel 36:25 ngatakan man bangsa Israel kenca ibersihkan Tuhan arah dosa-dosana nari, igantiken Tuhan nge pusuhna alu pusuh simbaru pusuh si batu-batun igantiken alu pusuh si nggit patuh ras dem keleng ate.

Sendalanan ras sie Paulus ngingetken perpulungen Kolose gelah status baru selaku kalak Kristen arus iumputi alu pusuh si nggit ka ipelimbarui. Kai nge ndia sierbahanca maka banci pusuh e batu-batun? Eme ate segat, dendam, cian ate, luka bathin ras akar si pagit si jadi sampah-sampah bas pusuh peraten e. Gelarna pe sampah tentu sie kerina labo mehuli, jadi ulu pinakit ras la erguna. Mari sibenterken!! Carana uga? Tandai kai-kai saja si lit bas pusuhta si lamehuli, jenari kerina kalak ntah pe pengalamen nggeluh sierbanca lit trauma ras sakit hati, siaduken man Tuhan ras si lepaskan pengampunen bana. Ngalemi kerina masa laluta, kalak si jahat banta erkiteken Dibata pe nggo leben ngalemi kita bas kelepakenta nari. Kiniteken si la nggit ngalemi labo tahan uji, la tahan ndekah jadi batu antuken ras ncedai persadan. Mari ngalemi maka dame pusuhta, sehat kula ras tendi. Kolose 3 : 13, ula kam pergelut dengen sialemen salah adi kitik ukurndu ibahan kalak, Kam arus sialemen salah bagi Tuhan nggo ngalemi salahndu. Enda me patron leben Yesus ngalemi salahta, emaka lanai lit alasenta la ngalemi salah kalak sideban. lakokenlah gelah teneng pusuhta, amalem ateta.